

gefunden worden bei einigen *Chrysobalanaceen* ¹⁾ und der zu den *Dilleniaceen* gehörigen Gattung *Davilla* ²⁾. In der Abbildung, welche H. Crüger davon aus dem Blatt einer *Moquilea* giebt (a. a. O. Fig. 53—54) ist ausser den Kieselnkernen ebenfalls der plasmatische Zellinhalt dargestellt.

Rosae novae

Galliam austro-orientalem colentes

auctore Michaelae Gandoger.

(Continuatio.)

17. *Rosa marcescens* Gdgr. mss. — Gdgr. loc. cit. Nr. 113. — Aculeis inclinatis ad ramos floriferos condensatos sat raris; foliis fere marcescentibus, oblongis, utrinque breviter attenuatis, subglaucis, glaberrimis ad costam subtus eglandulosis, inaeque subbiserratis; petiolis inermibus, eglandulosis, hinc inde filis raris adpersis; stip. sat parvis, auriculis subdivergentibus; pedunculis 1—5, glandulosis, 12—20 m. longis; tubo calycis oblongo, omnino hispidulo; sepalis dorso glandulosis, deciduis, anguste pinnatis; stylis glabris, disco subplano; petalis magnis, amoene roseis, haud ciliatis; fructu oblongo, apice attenuato, nitide sanguineo.

Hab. in collibus apricis paulo montosis ad Montmelas, Rhône, 1000'—1200'.

18. *Rosa cladocampa* Gdg. mss. — Gdgr. herb. ros. eur. exsicc. Nr. 307! — Frutex 12—15 pedalis, ramis copiosissimis, elongato-arcuatis; aculeis dilatatis aduncis, sat numerosis; foliolis ovato-ellipticis, parvis, acutis, basi subrotundatis, ad costam parce glandulosis, glaberrimis; serraturis subsimplicibus, convergentibus; petiolis aculeatis, hinc inde pilis cum glandul. parce obsitis; stipulis brevibus, dilatatis, auriculis erectis; pedunculis brevibus, hispidis; calycis tubo ovoideo, plus minus omnino glanduloso; sepalis mox deciduis, dorso glandulosis, breviter et sat anguste pinnatis; stylis glabris, disco conico; petalis magnis, ciliatis, pallide roseis vel subalbis; fructu ovoideo,

1) Vgl. H. Crüger, Westindische Fragmente IX. El. cauto. Botan. Zeit. 1857, S. 281, Taf. VI, VII. und Mohl a. a. O. S. 230.

2) Mohl a. a. O. S. 230.

Hab. in rupibus montis Buisante inter Villefranche et Pommiers, Rhône, 1200', necnon in Jurasso (Gdgr. in Soillot Fl. Sequaniae exsicc!).

Huc quoque pertinet *R. clypeolaria* Gdgr. Fl. Lyonn. p. 84 (et herb. ros. europ. exsicc. Nr. 227!) foliolis parvis elliptico-acutis, creberrime subbiserratis, fructu parvo, ovato, petalis minutis, subalbis praedita.

19. *Rosa diachylon* Gdgr. mss. — Gdgr. loc. cit. Nr. 189! — Frutex condensatus, ramosissimus, maleolens, ramis gracilibus, sarmentaceis, junioribus purpureis; aculeis elongatis, subrectis, dilatato-rotundatis, copiosis; foliolis oblongo-acutis lanceolatis, basi sensim attenuatis, parvis, ad costam glandulosis, glaberrimis, (costa folioli super. saepe 1—3 aculeis praedita), argute biserratis; petiolis glanduloso-aculeatis, unifariam subhirtellis; stipulis brevibus, dorso glandulosis, auriculis divaricatis; pedunculis corymbosis, hispidis, 12—21 m. longis; tubo calycis oblongo, glabro; sepalis deciduis, glandulosis, sat angustatis; stylis paucissimis villis adpersis, disco subplano; petalis roseis, haud ciliatis, basi lutescentibus; fructu anguste oblongo, utrinque attenuato. — Floritio serotina (fine Junii); stamina ad finem Septembris caduca.

Hab. in apricis montosis prope Ville-sur-Jarnioux, Rhône.

Est de grege *R. Donzini* Tratt. mon. ros. II, p. 112, cum sequente.

20. *Rosa xanthoacantha* Gdgr. mss. — Gdgr. loc. cit. Nr. 561! — Frutex laxus, maleolens, ramis laxis, divaricatis, valde aculeatis, aculeis dilatatis, flavicantibus, plus minus aduncis; foliolis parvis (8—9 m. latis) ovatis, basi rotundatis nec cordatis, apice breviter attenuatis, glaberrimis, ad costam glandulosis, argute biserratis; petiolis aculeatis, glandulosis, vix hirtellis; stipulis bracteisque intense purpureis; pedunculis 1—3, hispidis, 9—11 millim. longis; tubo calycis laevi, oblongo; sepalis glandulosis, deciduis, anguste pinnatis; stylis parcissime pilis adpersis, disco subplano; petalis roseis; fructu oblongo, 11½—13 m. diam. lato, utrinque sed praesertim, apice attenuato; staminibus medio mensis Augusti caducis.

Hab. vulgo cum praecedente in apricis calidis montium.

21. *Rosa cosmophylla* Gdgr. mss. — Gdgr. loc. cit. Nr. 300! — Aculeis rarissimis minutis, dilatatis, ad ramos graciles, fenuosos nullis; foliolis amplissime oblongo-lanceolatis, basi valde attenuatis, supra nitide atrovirentibus, praeter costam subtus parcissime

glanduloso-pilosulam, utrinque glaberrimis; serraturis duplicatis, laciniatis, magnis; petiolis aculeatis, glandulis pilisque adspersis; stipulis latis, auriculis divergentibus; pedunculis 3—6, laevibus, elongatis; calycis tubo anguste oblongo; sepalis deciduis, eglandulosis, angustis; stylis parce villosis, disco valde conico; petalis pallide roseis; fructu oblongo, utrinque attenuato, obscure sanguineo.

Hab. in sepibus pratorum ad Arnas, Rhône.

Species subinermis foliolis fere nigricantibus laciniato-serratis totoque habitu curiosissima; affinis *R. Gennarii* Huet. du Sar. in Genn. plant. ligust. Cent. III, (1875) Nr. 50, de sect. *Crepinia* Gdgr. subsect. *Trichophylleae*, trib. *Decalvatae* Gdgr.

22. *Rosa Cozza* Gdgr. mss. — Gdgr. loc. cit. Nr. 183! — Frutex 3—4-pedalis, ramosissimus; aculeis aduncis, dilatatis, parvis, ad ramos floriferos copiosis; foliolis sat anguste oblongo-acutis, basi attenuatis, supra glabris, subtus ad nervos inaeque villosis; serraturis simplicibus, rectis, lanceolatis; petiolis pubescentibus, eglandulosis, superioribus solis, aculeatis; pedunculis 1—3, glabris, 10—19 m. longis; calycis tubo obovato-oblongo, glabro; sepalis deciduis, glabris, margine 2—4-dentato-glandulosis, pinnula terminali dilatata; stylis parce villosis, disco purpureo, plano; petalis amaene roseis, haud ciliatis; fructu sat parvo, suboblongo, utrinque attenuato.

Pertinet ad sect. *Crepina* (*Canineae* Auct.) subsect. *Trichophylleae*, trib. *Silosiusculae* Gdgr., cum specie sequente, et inter *R. ramealis* Suget. et *R. platyphylloides* Déségl. et Rip. collocanda est.

23. *Rosa acrocomata* Gdgr. mss. — Gdgr. loc. cit. Nr. 226! — Ramis elongatis, flexuosis parce aculeatis; aculeis dilatato-compressis, recurvatis, ad ramos floriferos interdum nullis; foliolis amoene viridibus, ovato-ellipticis, basi cordatis, apice subrotundatis, serraturis simplicibus, subconvergentibus, supra glabris, subtus eglandulosis, ad nervos inaeque villosis; petiolis pubescentibus, eglandulosis (praeter extra-superiores) omnino inermibus; stipulis latis, purpureis; pedunculis 1—3, glabris, 7—10 millim. longis; tubo calycis subobovato, glabro; sepalis deciduis, eglandulosis, pinnulis copiosis, dilatatis, subintegris, terminali subfoliacea; stylis villosis-hirsutis, disco sat conico; petalis roseis, ad unguem nunquam ciliatis; fructu subovato, sanguineo.

Hab. ad sepes secus vias passim prope Arnas (Rhône).

24. *Rosa clavoides* Gdgr. mss. — Gdgr. loc. cit. Nr. 76! — Ramis inermibus, elongatis; aculeis parvis, aduncis dilatatis; foliolis oblongis, utrinque attenuatis, eglandulosis, supra glabris, subtus praeter nervos villosos, hinc inde pilosulis; serraturis simplicibus, patulis; pet. eglandulosis, villosis, parce aculeatis; pedunculis 1—4, glabris, 12—20 mm. longis; tubo calycis oblongo; sepalis eglandulosis, pinnatis, deciduis; stylis subglabris, disco conico; petalis pallide roseis, haud ciliatis; fructu clavato, magno crasso, oblongo (16—18 mm. diam. lato) superne inflato, basi longissime attenuato.

Hab. ad oras camporum prope Arnas (Rhône).

Var. β *stenocarpa* Gdgr. in litt. — A typo recedit serraturis convergentibus, petiolis parvissime glandulosis, foliolis angustioribus et longioribus, fructuque angustiore, 10—11 mill. diam. lato.

Mixta cum typo et vulgarior.

Cum 2 sequentibus ad gregem *R. urticae* Lem. pertinent, sed notis huc expositis omnes abunde diversae.

25. *Rosa Collieri* Gdgr. mss. — Gdgr. loc. cit. Nr. 346! — Ramis arcuatis, elongatis, aculeatis, aculeis parvis inclinatiss, basi compresso-dilatatis, foliolis obovato-oblongis, utrinque sensim attenuatis, supra glabris subtus praeter nervos villosos hinc inde pilis paucis adpersis; serraturis brevibus, apertis, simplicibus; petiolis villosis, aculeatis, eglandulosis; stipularum sat dilatatarum auriculis rectis; pedunculis saepe 2—3, glabris, 6—9 mm. long.; tubo calycis coeruleo, ovato; sepalis deciduis, apice elongatis, pinnulis dentatis, vix margine glandulosis; stylis capitato-villosis, disco subplano; petalis roseis; fructu sat parvo, subrotundato.

Hab. in dumetis prope Arnas (Rhône).

26. *Rosa stenopetala* Gdgr. mss. — Gdgr. loc. cit. Nr. 343! — Ramis elongatis, gracilibus, flexuosis, inermibus, basi nudatis; aculeis raris, parvis, inclinatiss, parum dilatatis; foliolis amoene viridibus, obovato-oblongis, acutis, basi breviter attenuatis, supra hinc inde hirtellis, subtus praeter nervos villosos passim pilosulis; serraturis simplicibus, lanceolatis; petiolis villosis, eglandulosis, superioribus subaculeatis; pedunculis 1—3, gracilibus, laevibus, 15—20 mill. longis; tubo calycis glabro, obovato-oblongo; sepalis eglandulosis, deciduis, pinnulis subintegris, sat latis; stylis pubescentibus, disco subplano; petalis pallide roseis, stellatis, planis, haud contiguis, ad unguem angustum nunquam ciliatis; fructu parvo, obovato-oblongo, basi depresso, apice valde contracto.

Hab. in umbrosis ad Arnas (Rhône).

R. brachyacantha Gdgr. in Bull. soc. dauph. (1874) p. 15, et plant. exsicc. Nr. 111 (Gdgr. herb. ros. europ. exsicc. Nr. 252!) valde affinis est *R. stenopetalae* a qua attamen differt foliolis basi subrotundatis, petiolis magis inermibus, petalis contiguis, concavis et minoribus, fructu apice minus attenuato, etc.

27. *Rosa andropogon* Gdgr. mss. — Gdgr. loc. cit. Nr. 14! — Ramis gracilibus, subarcuatis; aculeis dilatatis, aduncis, ad ramos floriferos nullis vel 1—2; foliolis oblongo-acutis, basi attenuatis, supra hinc inde pilosulis dein glabris, subtus omnino villosis, simpliciter serratis; petiolis villosis, inermibus, eglandulosis; pedunculis 1—3, aliis glabris, aliis minute pubescentibus, 17—18 m. longis; calycis tubo oblongo; sepalis deciduis, eglandulosis, villosulis, pinnulis integris, parum dilatatis; stylis subglabris, disco valde conico; petalis subalbis, haud ciliatis, sensim basi acutis; fructu oblongo, subclavato, basi longe superne vero breviter attenuato.

Hab. ad margines silvae Talenceanae prope Arnas (Rhône).

Species, cum tribus sequentibus, pertinet ad gregem *R. platyphyllae* Rau enum. p. 82, sed, notis indicatis, omnes conspicue discedentes.

28. *Rosa hypochionoea* Gdgr. mss. — Gdgr. loc. cit. Nr. 275! — Ramis inermibus, flexuoso-gracilibus; aculeis breviter aduncis, dilatato-decurrentibus; foliolis oblongo-acutis, basi attenuatis, supra subhirtellis, subtus omnino villosis, eglandulosis, simpliciter serratis; petiolis eglandulosis, villosis, inermibus; pedunculis 1—2, villosis, 7—10 m. longis; tubo calycis elongato; sepalis eglandulosis, deciduis, pinnulis dilatatis, integris, villosis; stylis subhirsutis, disco conico; petalis subalbis, haud ciliatis, basi sensim rotundatis; fructu magno, oblongo, utrinque attenuato, nitide purpureo.

Hab. in montosis umbrosis supra Ville-sur-Jarnioux, (Rhône), 1400'.

29. *Rosa persimilis* Gdgr. mss. — Gdgr. loc. cit. Nr. 287! — Frutex elongatus, ramis farinaceo-glauciscentibus, copiose aculeis duris, robustis, falcato-dilatatis, armatis; foliolis saturate coeruleo-viridibus, oblongo-acutis, supra mox glabris, subtus omnino villosis, ad costam mediam crassiusculam parce glandulosis, simpliciter serratis; petiolis villosis, eglandulosis, subinermibus; stipulis dilatatis, auriculis erectis; pedunculis 2—4, villosis, interdum parcissime glandulosis; calycis tubo oblongo, glabro; sepalis

eglandulosus, deciduus, latiuscule pinnatipartitus; stylis pilosulis, disco subconico; petalis pallide roseis, haud ciliatis; fructu magno, breviter oblongo, apice constricto, sanguineo.

Hab. in collibus apricis ad Montmèlas (Rhône), 1200'.

30. *Rosa Vapillonii* Gdgr. mss. — Gdgr. loc. cit. Nr. 70! — Ramis elongatis, subglaucis, aculeatis, aculeis dilatatis, aduncis; foliolis elliptico-oblongis, acutis, nervoso-rigidiusculis, supra glabrescentibus, obscure viridibus, subtus omnino villosis, ad costam parcissime glandulosus, simpliciter serratis; petiolis villosis, eglandulosus, inermibus; stipularum auriculis rectis; pedunculis 1—3, brevibus, pilosis; calycis tubo ovoideo glabro; sepalis pinnatipartitis, deciduus, sat brevibus, eglandulosus; stylis subhirsutis, disco plano; petalis pallide roseis, haud ciliatis; fructu parvo, ovoideo, glaucescenti, sanguineo.

Hab. ad margines camporum haud infrequens prope Arnas (Rhône).

31. *Rosa gnaphalodes* Gdgr. mss. — Gdgr. loc. cit. Nr. 89! — Ramis validis, arcuatis; aculeis aduncis, compresso-dilatatis, ad ramos floriferos geminatis stipularibusque; foliolis obovatis, basi rotundatis, apice acutis, utrinque molliter cano-subtomentosis, eglandulosus, simpliciter serratis; petiolis tomentosis, eglandulosus, inermibus; pedunculis 1—3, glabris, 12—14 m. longis; tubo calycis ovoideo, glabro; sepalis eglandulosus, incrassatis, serius deciduus, late partitis; stylis subglaberrimis, disco fere plano; petalis pallide roseis, moschatis, haud ciliatis; fructu magno, ovoideo, utrinque depresso, purpureo.

Hab. in campis et maceris ad Arnas (Rhône).

Haec species, sicut et 2 sequentes, affinis *R. dumetorum* Thuill. Flor. Paris. ed 2, p. 250 ex parte.

32. *Rosa theratophila* Gdgr. mss. — Gdgr. loc. cit. Nr. 198! — Frutex validus, condensatus, ramis arcuatis, purpureis, aculeatis; aculeis a basi compressa ac dilatata falcatis; foliolis ellipticis, basi cordatis, apice breviter acutis, saturate viridibus, utrinque molliter villosis, eglandulosus, simpliciter serratis; petiolis eglandulosus, inermibus, tomentosis; stipularum auriculis divaricatis; pedunculis 2—4, glabris; tubo calycis obovato; sepalis deciduus, reflexis, eglandulosus, pinnulis dilatatis, elongatis; stylis hirsutis, disco subplano; petalis pallide roseis, moschatis (sicut in omnibus speciebus gregis *R. coriifoliae*, *dumetorum* et affin.); fructu ovoideo, apice attenuato, basi depresso.

Hab. secus vias passim prope Arnas (Rhône).

33. *Rosa phyllochlora* Gdgr. mss. — Gdgr. loc. cit. Nr. 372! — Ramorum validorum aculeis aduncis, dilatatis; foliolis ovato-ellipticis, acutis, basi cordatis, rigidis, nervosis, utrinque molliter flavescenti-subtomentosis, simpliciter serratis, eglandulosis; petiolis tomentosis, eglandulosis, inermibus; stipulis dilatatis, auriculis brevibus; pedunculis 1—3, brevissimis, parcissime pilosis; tubo ovoideo, glabro; sepalis villosis, eglandulosis, late partitis; stylis brevibus, subglabris, disco subplano; petalis subalbis; fructu ovato vel ovato-rotundato, obscure sanguineo.

Hab. in declivibus umbrosis prope Arnas (Rhône).

34. *Rosa leucographa* Gdgr. mss. — Gdgr. loc. cit. Nr. 145! — Frutex humilis, ramosissimus, ramis floriferis arcuatis plus minus aculeatis; aculeis aduncis, dilatatis; foliolis obovatis, basi subrotundatis, apice breviter attenuatis, utrinque molliter hirsutis, serraturis simplicibus, subconvergentibus; petiolis inermibus, eglandulosis, superiore excepto, inermibus; stipularum auriculis divaricatis; pedunculis 2—3, aliis glabris, aliis parce glandulosis, 11—13 m. longis; calycis tubo ovato, glabro; sepalis hirtellis dorso fere omnes eglandulosis, pinnulis integris, sat angustatis, villosis; stylis subglabris, disco subplano; petalis pallide roseis, haud ciliatis; fructu magno ovato-rotundato vel subgloboso, intense rubro.

Hab. in rupibus collium prope Montmèlas (Rhône), 1100'.

Species cum sequente intermedium praebent *R. dumetorum* et *R. colinae* Jacq. ex parte, sed primae magis affines.

35. *Rosa barba-jovis* Gdgr. mss. — Gdgr. loc. cit. Nr. 34! et 517 var! — Ramorum floriferorum aculeis copiosis, falcato-dilatatis; foliolis intense viridibus, obovato-oblongis, acutis, basi sensim attenuatis, simpliciter aperteque serratis, eglandulosis, utrinque molliter subtomentosis; petiolis eglandulosis, tomentosis, omnibus sat aculeatis; stipularum auriculis divaricatis; pedunculis 2—3, fere omnibus laevibus, 9—14 m. longis; calycis tubo ovoideo, glabro; sepalis saepe omnibus dorso glandulosis, pinnulis pilosis, angustis; stylis villosis, disco subplano; petalis subalbis, haud ciliatis; fructu sat crasso, breviter ovoideo, utrinque depresso.

Hab. in collibus saxosis prope Montmèlas (Rhône), 1200'.

36. *Rosa Gouttardi* Gdgr. mss. — Gdgr. loc. cit. Nr. 39! — Frutex humilis. Ramis subinermibus; aculeis conformibus, aliis falcato-dilatatis, aliis rectiusculis; foliolis ample obovatis, obscure viridibus, supra glabris, subtus praeter nervos villosos utrinque

glandulosis, argute glanduloso-biserratis; petiolis pubescentibus, aculeatis, glandulosis; stipulis elongatis, subtus rubiginosis, auriculis acutis, divaricatis; pedunculis 1—3, minute hispidis; calycis tubo oblongo, usque ad 4. partem infer. hispido; sepalis dorso hispidis, deciduis, magnis, apice linearibus; stylis hirsutis, disco subconico; petalis amplissime ovatis, eximie roseis; fructu magno, ovoideo, purpureo.

Hab. in fruticetis raro ad Arnas (Rhône).

Species illa accedit ad *R. marginatam* Wallr. ann. bot. p. 36, sed habitu humili magis est affinis *R. flexuosae* Rau Enum. ros. 127.

37. *Rosa quercetorum* Gdgr. mss. — Gdgr. loc. cit. Nr. 217! — Frutex 1—1½ pedalis, gracilis, flexuosus, pauciflorus, radix longissime reptans; ramis tenuibus, lividis, saepe inermibus; aculeis conformibus, subsetaceis, rectis, haud aut vix dilatatis; foliolis amplissime obovato-rhomboidalibus, nitide amoeneque viridibus, subtus ad nervos villosis totoque glandulosis, serraturis latis, purpureis, creberrime 3—4-dentato-glandulosis; petiolis pubescentibus, rubiginosis, aculeatis; stipulis magnis, subtus hirtorubiginosis; ped. 1—2, hispidis; sepalis dorso muricatis, serius deciduis, late partitis; stylis subhirsutis, disco subplano; petalis implissimis, eximie purpureis, haud ciliatis; calycis tubo fructuque ovoideo, basi hispido, magno, utrinque attenuato, purpureo.

Hab. vulgarissime in silva quercina Talencé dicta, prope Arnas (Rhône).

Pertinet ad Sect. *Chavinia* Gdgr. (*Glandulosae*) Trib. B. *Glandulosae* Gdgr. Essai p. 35, et prope *R. Pugeti* Bor. collocari debet.

38. *Rosa angustata* Gdgr. mss. — Gdgr. loc. cit. Nr. 324! — Ramis erectis, brevibus, copiose aculeatis; aculeis conformibus, rectis, plus minusve dilatatis, interdum subulatis; foliolis obovato-ellipticis, angustatis, viridibus, ad costam villosis, subtus omnino rubiginosis, creberrime 2—3-dentatis, ramorum sterilium anguste oblongo-lanceolatis; petiolis villosorubiginosis, aculeatis; stipulis dilatatis, glandulosis, auriculis acutis, divaricatis; pedunculis 2—5, elongatis, hispidis; tubo calycis oblongo, usque ad quartam partem inferiorem hispido; sepalis dorso minute muricatis, deciduis, magnis, apice oblongo-lanceolatis; stylis hirsutis, disco sat conico; petalis magnis, intense roseis; fructu ovoideo, sanguineo.

Hab. in pascuis prope Arnas (Rhône).

Pertinet ad gregem *R. Jundzillianae* Bess. Enum. Podol. p. 46, 61 et 67. — *R. stupens* Gdgr. Dec. plant. nov. fasc. I. (1875) p. 3 alia est species hujus sectionis affinis *R. flexuosae* Rau Enum. ros. p. 127, habitu, pedunculis etc. conspicua.

39. *Rosa acanthothamnus* Gdgr. mss. — Gdgr. loc. cit. Nr. 103! — Ramis duris, condensatis, copiose aculeatis, aculeis validis, aduncis, compressis, 2—3-nis; foliis obovato-lanceolatis, 6 1/2—8 millim. latis, breviter utrinque attenuatis, subtus ad costam villosis, rubiginosis, biserratis; petiolis parce aculeatis, glandulosis, hinc inde pilis adpersis; stipularum auriculis brevibus, divaricatis; pedunculis laevibus, subcorymbosis; calycis tubo laevi, oblongo; sepalis deciduis, glabris, margine tantum dentato-glandulosis, apice subdilatis; stylis brevibus, glaberrimis, disco subconico; petalis albis, haud ciliatis (sicut et in sequentibus); fructu oblongo, apice attenuato, purpureo.

Hab. in dumetis ad vias prope Arnas (Rhône).

Pertinet ad gregem *R. sepium* Thuill. fl. par. p. 252 sensu latiore et specierum affinium (v. g. *R. inodora* Fr. *agrestis* Savi, *vinodora* Kern., etc.), cum 8 sequentibus.

(Continuatur.)

A n z e i g e.

Congrès international de Botanique et d'Horticulture à Paris.

La Société Botanique et la Société centrale d'Horticulture de France ont résolu, à l'occasion de l'Exposition internationale de Paris, de tenir un Congrès de Botanique et d'Horticulture, du 16 au 22 août 1878 inclusivement.

Messieurs les savants, qui ont l'intention de prendre part aux travaux du Congrès, voudront bien adresser à M. le Président de la Commission d'organisation, 84, rue de Grenelle-Saint-Germain, à Paris, leur adhésion et les observations auxquelles pourrait donner lieu de leur part le présent avis.

Redacteur: Dr. Singer. Druck der F. Neubauer'schen Buchdruckerei (F. Huber) in Regensburg.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Flora oder Allgemeine Botanische Zeitung](#)

Jahr/Year: 1877

Band/Volume: [60](#)

Autor(en)/Author(s): Gandoger Michael [Jean Michel, Abbé]

Artikel/Article: [Rosae novae Galliam austro-orientalem colentes
249-256](#)